



明詩選卷之十三

李 雯舒章氏

雲間陳子龍臥子氏同族

宋徵輿報文氏

○七言絕句一

高 啓 五見

韓文曰于鱗詩刪收詩季迪絕句甚多俱是中晚色相語耳故余輩盡汰之

涼州詞

關外垂楊早換秋，行人落日旆悠悠。
隴山高處愁西望，只有黃河入漢流。

韓文曰：用意能
渾唐人佳處

張羽 再見

燕山春暮

金水橋邊蜀鳥啼，玉泉山下柳花飛。
江南江北二千里，愁絕春歸客未歸。

韓文曰：中晚佳境
在絕句中不可廢

袁凱 四見

聞笛

花發吳松江上村，隔花吹笛正黃昏。
天邊楊柳今無數，短葉長條非故園。

舒章曰：本是一律詩，因中四句
散弱，刪作絕句，似更成章。

題蘇李泣別圖

上林木落雁南飛，萬里蕭條使節歸。

猶有交情兩行泪，西風吹上漢臣衣。

臥子曰不
減李益

淮西夜坐

蕭蕭風雨滿，關河酒盡西樓聽。雁過莫怪行人頭，白盡異鄉秋色，不勝多。

淮東逢張十二信

少年追逐共西東，吳薄文章馬亮只。一自干戈零落盡，白頭淮海獨相逢。

王

舒章曰似子，美存沒口號。字叔明，湖州人。元季名士。洪武初，隱黃鶴山。一作王旬字子宣。

宮詞

南風吹斷采蓮歌，夜雨新添太液波。水殿雲房三十六，不知何處月明多。

仁和俞友仁見此詩以為盛唐佳作，遂以姝妻之。取子曰亦杜牧李益耳。何遜盛唐然景調俱佳。

董良史

洪武時人

江行

江水悠悠江路長，孤鴻啼月有微霜。
十年蹤跡渾無定，莫更逢人問故鄉。

轅文曰
高岑

解

縉再見

寄黃玄齋

來時蕭峽駐輕舟，惆悵初年作遠遊。

夢裡相思不相見，武功山下月輪秋。

舒章曰此詩亦
不失盛唐格調

趙

雅字雲翰祥符人永
樂時官刑部尚書

成南書事

三年為客寄龍沙，望斷南天不見家。
惟有受降城外月，照人清淚落胡笳。

臥子曰頗有
嘉州之風

王

恭再見

步虛河

綠章封事奏瑤京侍女如花弄玉笙
夜半朝回人上鶴九天環珮月中明

韓文曰是步虛詞

郭

登

字元登豪州人武定侯英之孫永樂中官都指揮景泰中以功封伯天順初奪爵遣戍成化伯天順卒贈侯諡忠武

甘州

甘州城西河水流甘州城北胡雲愁
玉関人老貂裘敝苦憶平生馬少游

韓文曰真意氣語從搖落中見之

李夢陽

八見

臥子曰獻吉七言絕原於太白微覺過壯逸致少減韓文曰獻吉七言絕擬少陵者甚多以不成章盡刪去今存者乃可觀

正德元年郊祀歌

壇宮秉笏候金鐘，月出西南照雪峰。
不向蓬萊看五色，那知天子是真龍。

聖節聞駕出塞

千官北首望龍旂，萬國車馬集鳳圍。
八駿穆主秋色遠，寒時親擁白狼歸。

舒章曰有
祁昭之風

韓文曰景
色天然

送周判官

明燈綠酒五花裘，客舍新秋螢火流。
問君不飲真何事，明日出城風葉愁。

舒章曰

真光

夏日夜泊別友人

黃鶴樓前日欲低，漢陽城樹亂烏啼。
孤舟夜泊東遊客，恨殺長江不向西。

別李生

華也南來送我，我行青絲挈酒玉壺輕。

滕王閣下江千尺一曲滄浪萬古清

臥子曰似汪倫之作而意別

贈陳氏

萬龍岡上古農家男樂耕耔女績麻
客到大開萱草閣春風時動紫荊花

轅文曰田家詩喜無犁犢氣

送王翰

王郎口談金虎文自稱師是紫陽君

挂帆明月忽南去影落龍江五色雲

雲中曲

黑帽健兒黃絡裘匹馬追胡索塞頭
相逢不肯通名姓但稱家住古雲洲

其二

白登山寒低朔雲野馬黃羊各一群
冒頓曾圍漢天子胡兒惟說李將軍

送人之南郡

鼓力朱亥本微寒白首侯嬴是抱關
不為千金增意氣祇緣一諾重丘山

舒章曰
古詩

春遊曲

大道紅樓珠箔垂風起楊花欲暮時
胡姬半醉半遮面惱殺幽州遊冶兒

臥子曰
自佳

絕句

將軍鐵騎戰金微八月長安盡搗衣
砧聲欲落三更月翡翠樓頭雁却飛

轅文曰直造
江寧佳處

汴中元夕

中山孺子倚新妝鄭女燕姬獨壇場
齊唱憲王春樂府金梁橋小月

臥子曰汴城風月遂不
可問瀆此作轉覺安然

登瀟臺

白日紅雲拂地流，醉鄉吾亦步兵在。
登臺左眺黃河轉，綠水洪波不盡愁。
歸途覽古蹟，并追記百思年。

事

河濟誰言不共流，青春惡浪古懷州。
蕩搖少室三花樹，倒映天壇白石樓。

韓文曰壯

舒章曰第二句粗語能秀

何景明 七見

秋日

寒螿啼斷槿園空，萬樹凋傷入月中。
只有南山蒼桂在，一株花發向秋風。

曰臥子雅

鷄鳴曲

青樓遙臨大道衢，美人鷄鳴著繡襦。
誰家公子過樓下，那不繫爾千金馬。

舒章曰位見態

吾郡古要害地也閑居興懷

詠古跡

南山西嶺自天來翠壁丹崖映日開
不見當時臥龍者只今惟有釣魚臺

別相餞諸友

雙井山邊送客時滿林風雪倍相思
西行萬里遙回首太華終南落日遲

舒章曰末句言景而情在其中大是妙境

轅文曰不經離別者不知

諸將入朝歌

大將龍旗朝帝京至尊親遣貴臣迎
侍中獨領嫖姚部戰馬皆歸龍虎營

其二

闕下千官侍鳳樓苑中天子建龍旂
豹房虎圈先班賞武帳前邊賜姓侯

韓文曰此謂江彬錢寧等也

送韓汝慶還關中

華岳雲臺萬里情，高秋落日眺秦城。
黃河一線通滄海，身在仙人掌上行。

臥子曰青蓮佳境

燕京十六夜

萬歲山頭鎖玉樓，十王錦中人不到。
中宵金鼓雲間動，翠輦龍衣過五侯。

舒章曰直敘中已具諷刺

寄少谷山人

武夷九曲上仙庭，錦壘青天萬仞屏。
下望神人釣鰲尾，北風吹霧海冥冥。

其二

台嶽中峯綵霧生，石梁遙挂赤霄城。
仙潭尺素傳雲鯉，報爾今尋華頂行。

宮詞

碧艸萋萋生御溝，垂楊嫋嫋夾朱樓。
窓臨北斗空中起，水接銀河天上流。

寶鷄縣

鷄鳴山下古陳倉，板屋千家清渭傍。
曲岸迢遙凌秀麥，流渠宛轉入垂楊。

轅文曰：屈景宛然。

終南篇

離宮別館舊京華，表裏閑河屬漢家。

二閣天圍青錦障，五臺雲湧石蓮花。

臥子曰：奇麗。

徐禎卿 八見

臥子曰：昌穀七言，絕可下與江寧並駕。

從軍行

青天磧路挂金微，明月洮河樹影稀。
胡雁哀鳴飛不度，黃雲戍卒幾時歸。

轅文曰：清迥之，作難其渾雅。

長安曲

五館瑤臺接紫微。長安甲第有光輝。
夜夜錦燈車馬散。平陽歌舞月中歸。

舒章曰自是豪貴

燕京春望

天柳垂絲拂建章。銀冰千戶落金塘。
烟花萬國行人度。遙指蓬萊春日光。

擬古宮詞

興慶池頭漏未闌。梨園弟子曲將殘。

花前更進涼州伎。無那西宮月色寒。

韓文曰深秀之極令人咏嘆不已

送蕭少府

矯矯雙鳧塞隴分。武夷殘雪半春雲。
玉洞只愁仙隱去。洛陽花下不逢君。

舒章曰玉骨嶙峋

送顧馬湖孔昭

巴東明月巴西歌，兩岸梅花卷笛多。
一曲停桡雙淚落，猿聲三峽若為過。
安南歌送沈使君

烏蛮灘上煙水聲，伏波廟前秋月明。
夜半津人挽舟上，夷歌偏動望鄉情。

臥子曰
渾成

送蕭若愚

送君南下巴渝深，予亦迢迢湘水心。

前路不知何地別，千山萬壑暮猿吟。

轅文曰在江
寧太白力間

送方山人

嚴子灘頭花落時，水清雲碧淨漣漪。
孤舟相逐飛花去，一日看山到武夷。

舒章曰逸
致翩翩

邊 貢 五 見

迎鑾曲

潮落江門烟水秋雲恍八月過揚州
兩京馳道三千里夾岸垂楊接御溝

秋日過西內團殿

御溝東畔古松盤曾得先皇倚笑看
龍馭不歸鸞吹杳石廊圓殿鎖秋寒

轅文曰江見片
晚而情景適上

草場

牧馬場邊首蓓香回龍宮外樹蒼蒼

當年駿骨今何處曾被金鞍侍武皇

臥子曰結
得有精

康海字德涵弘治壬午賜進士
第一宮冬冬異所著有對

山集

轅文曰對山詩
于文而拙于詩

醉別廷掇

君去巴渝春正深西堂尊酒且論心
無端徹夜隔山月又送征車過漢岑

臥子曰德涵粗率殊無足觀此首稍可誦存之

鄭善夫 三見

權歌

青螺江頭遊子吟，黃金臺上秋雲深。
風塵一別一萬里，美人駕車傷我心。

薛蕙 四見

皇帝行幸南京歌二首

翩翩翠蓋覆鳴鑾，沼許都人夾道看。

樂府盡歌楊柳曲，後車多著鷓鴣冠。

其二

燕姬玉袖抱笙篴，馬上長隨翠輦游。
春來照影秦淮水，愛殺江南雲母舟。

韓文曰二詩鋪敘成章

塞下曲

陰山縛盡犬羊羣，萬里胡天散陣雲。
塞外降王三十部，來朝盡隸霍將軍。

蔣山卿 再見

出塞曲

單于秋色自堪哀，霜滿天山黃葉摧。
落日懸軍度沙漠，遠頭惟見雁飛回。

轅文曰
亦渾

陳 沂 再見

大駕西狩還京，百官出候於德

勝門

十二坊門結綺臺，誼呼萬姓喜歸來。
三時城闕無鐘鼓，宣室承明次第開。
南巡舊京歌

橫戈八駿戰功收，夾舸雙龍水面游。
紫蓋風雲過沛上，錦帆烟月下揚州。

臥子曰景
物雅稱

韓邦靖 再見

漫成

沙苑烟花近，白樓黃河清。滑而流，
牛羊落日新丘壠。楊柳春風古渡頭。

楊慎 六見

韓文曰：月修絕句，得太白力之逸。

江陵舟中贈田李二子

落月寒沙夜未分，玉簫金管醉中聞。
明朝回首沅江路，愁聽青猿和白雪。
望中條山

征馬長鳴向北風，峭閑回首暮天東。
太行過盡中條出，一路青山白雪中。

嚴嵩 四見

傳制遇雨紀事

向夕鳴鞘下建章，平明飛鞚出長楊。
冠軍常侍俱承寵，白馬金鞍從武皇。
西山雜詩

上匣珠襦掩夜泉，世人那見鶴歸年。

秋來十里金山道，華表參差夕照前。

蔡

經

字半洲，候官人，正德中進士。

聞砧

月下誰家擣練聲，寒衣長繫玉關情。
蕭條我亦河西去，白草黃沙隔渭城。

蔡

羽

再見

鄉友送吳選部置酒神樂觀

春色無多綠草齊，故鄉何處白雲低。

金明門外牽衣晚，莫遣楊花襯馬蹄。

張時徹

五見

初秋詩

一聲漁唱海天秋，素練初飛白鷺洲。
亦有芙蓉自開落，何人解識漢官愁。

臥子曰新警

蘇

祐

四見

塞下曲

將軍營外月輪高，獵獵西風吹戰袍。
箙篋無聲河漢轉，霜華露氣滿弓刀。

轅文曰
新矯

陸

餐

字浚明，長洲人。嘉靖丙戌進士。繇庶吉士授給事中。屢劾權貴，凡兩下獄。謫驛丞，以知縣終。

送汪僉事之湖南

驄馬長鳴飲碧流，花銀鏤帶鶴鶴裘。
行人大列山頭望，雲外雙旌下鄂州。

皇甫湜

六見

金陵絕句

長干已過落花辰，滿地楊花不見春。
強折垂楊送歸客，勞勞亭畔共沾巾。

贈滁陽程逸人

安道攜琴初入吳，小山遙對白雲孤。
梁溪盡處烟波闊，好逐秋風下五湖。

臥子曰自
是流逸

明詩選

卷十三

三

皇甫汈 二見

梅子鋪頭壁

月明清露下荒臺木落空山更可哀
夜壑常留金碗在春風曾識翠華來

喬世寧 三見

擣衣

城上秋風木葉稀城中思婦擣寒衣
相思更有殘機錦願逐長安一雁飛

舒章曰
粗協

胡 侍 三見

涼州詞

落日黃河水倒流沙場旌旆風悠悠
新降胡奴不解語笛中吹出古涼州

臥子曰似
李獻吉

轅文曰唐人演桑府為
絕句其調有如此者

李攀龍 八見

明詩選 卷十三

三

臥子曰于鱗絕句詞甚練而
若出自然意必入澗而每多可
思照應頓挫俱有
法度未易至也
舒章曰于鱗字中寫數
十言所難盡者于鱗于此處
每絕塵
而上
轅文曰七言絕刻意江寧而
自出變化無論元美即何李
亦為一歩又曰何李絕句
多隨筆而出于鱗每篇必作
意所以
獨上

塞上曲送元美

西出居庸不渡關胡塵遙暗白登臺
愁看塞上蕭條色落日秋風萬里來

轅文曰如在人意
中而思之甚切

其二

白羽如霜出塞寒胡烽不斷接長安
城頭一片西山月多少征人馬上看

臥子曰不
愧盛唐

送劉戶部督餉湖廣

洲邊處士題鸚鵡波上公孫擁驕驪
到日夏雲生七澤愁時秋色滿三湘

其二

馬上春風白接離花開應醉習家池
鹿門耆舊何人在今日襄陽異昔時

轅文曰此致如許

其三

漢江春水竟陵東江樹蒼蒼繞沛宮

父老只今猶望幸君主按劍顧雲中

其四

錦帆南入楚雲重江上遙看衡嶽峯
落日蒼茫秋不盡青天七十二芙蓉
席上鼓飲歌送元美

碧天無盡白雲飛到日扁舟落五湖
不見薊門秋草色愁心明月滿姑蘇

轅文曰置之江寧集中不復辨矣

送子相歸廣陵

茂陵消渴臥詞臣，搖落秋風白髮新。
漢主豈無金掌露，馬卿元是倦遊人。

其二

白雲無盡楚天寒，鴻雁蕭蕭楓樹丹。
揚子月明愁裏度，蕪城雨色夢中看。

其三

廣陵秋色雨中開，繫馬青楓江上臺。

落日千帆低不度，驚濤一片雪山來。

舒章曰：寫景雄出。

懷明卿

豫章西望彩雲間，九派長江九疊山。
高臥不須窺石鏡，秋風憔悴侍臣顏。

舒章曰：傷心婉麗。

春日聞明卿之京為寄

十載浮雲傍逐臣，歸來不改漢宮春。

摩挲金馬宮門外，誰識當時諫獵人。

臥子曰感
慨情深

王中丞破胡遼陽凱歌

萬里橫行大破胡，沙場西北漢軍孤。
不レ因驃騎能深入，知レ有陰山瀚海無。

勞別子與

武林山對海門開，不枉登臨酒一杯。
十載故人零落盡，有誰還為度江來。

遠文曰十一三誦
之始見有意

山中簡許郭

金牛谷裏樹蒼蒼，一入千峯但夕陽。
浪跡莫愁難問訊，題詩多在朗公房。

寄元美

薊門城上月婆娑，玉笛誰為出塞歌。
君自客中聽不得，秋風吹落小黃河。

其二

江南風雨夢扁舟，
薊北烟花傍酒樓。
無那故人搖落盡，
教君何處不悲秋。

臥子曰：薄而意出。

其三

漁陽烽火暗西山，
一片征鴻海上還。
多少胡笳吹不轉，
秋風先入薊門關。

舒章曰：何減龍標。

重寄元美

十載交遊滿帝都，
五陵年少避呼盧。
只今惟有張公子，
匹馬時時過酒徒。

其二

南冠君子繫京華，
秋色傷心廣柳東。
此地由來多俠客，
不知誰是魯朱家。

其三

北斗闌干南斗低，
啼烏三匝鳳城棲。
萬羊枝上秋風起，
飛入中丞署裏啼。

舒章曰悲憤之情極其沈隱蓋為奔州力尊人者也

哭子相

故園秋色廣陵間，閩海悠悠自不還。
縱使蕪城愁易老，那能長客武夷山。

其二

楊子江寒月影孤，秋風吹落射陽湖。
故人欲灑臨江淚，湖上明珠竟有無。

輓王中丞

主恩三遣護三邊，驃騎功名滅虜年。
不謂漢軍能失利，猶堪起家象祁連。

其二

昨夜烽烟海上青，猶聞麾下取龍庭。
一時雄劍無精彩，遙指燕山落將星。

觀獵

胡鷹掣鏃北風迴，草盡平原使馬閑。
臂上角弓如却月，當場意氣射生來。

轅文曰
似王維

酬許右史九日小山見贈

十載銜杯望白雲，天涯此日歎離羣。
重來秋色生雙鬢，更折茱萸插向君。

臥子曰與下醉把茱萸
黃白上真堪伯仲

寄元美

憑將白雪寫朱絲，總是人間此調悲。
縱使霓衣君莫管，古來能得幾鍾期。

轅文曰今同
感何代無賢

得徐使君所貽王敬美見贈答

寄

博物張華不易逢，十年京洛少從容。
當時未得豐城劍，已識雲間陸士龍。

寄吳明卿

楚娃雙侍玉為顏，勸酒能歌雉子斑。
醉後休論官不調，古來遷客幾人還。

送殷正甫內翰之京

君王賜宴柏梁臺，七字新詩漢體開。
首倡自天酬不得，曲終還賴歲星才。

轅文曰如此使事方妙

其二

詔遣詞臣集漢都，明年羽獵大誇胡。
共憐執戟人猶在，莫問長楊賦有無。

送右史之京

五雲西北望京華，玉帛年年出漢家。
此去但承明主問，不妨才子更長沙。

臥子曰真能感慨

其二

桃花美酒鳳凰樓，公子乘春作宦遊。
寒食不知何處過，總無風雨亦堪愁。

其三

胡姬十五漢宮妝，夾道楊花撲酒香。

處處紅樓堪繫馬，莫教春色斷君腸。

挽楊生

平生裘馬最翩翩，不惜黃金結少年。
今日蕭條君不見，白楊秋色有誰憐。
子與以服散臥病，因賦姬人怨。

服散詩戲贈

吳姬搗藥楚姬丸，獨夜深闈玉兔寒。
更倚庭前雙桂樹，何人不作月中看。

舒章曰巧而不卑

和聶儀部明妃曲

青海長雲萬里秋，琵琶一曲淚先流。
六宮多少良家子，不到沙場不解愁。

其二

天山雪後北風寒，抱得琵琶馬上彈。
曲罷不知青海月，徘徊猶作漢宮看。

轅文曰明妃曲得此方稱

寄謝茂秦

美人春望望陵臺，臺下漳河去不回。
惟有舊時歌舞地，至今風雨自西來。

答右史秋懷見寄

河上秋風雁影開，樽前明月夜還來。
兔園一望渾如雪，人在梁王古吹臺。

其二

老去王門混酒徒，陳留賓客避呼盧。

不知今日狂何似，曾入高陽會裏無。

臥子曰
悲蕩

寄送方山人歸歙州

河水悠悠雁影長，長安回首淚成行。
可憐三十年前客，明日扁舟是故鄉。

答贈沈孟學

海門中斷出吳關，北望江流九折還。
一日故人攜酒處，白雲千載鳳凰山。

王世貞 八見

臥子曰元美七言絕不專盛唐然能意到調成不傷其氣固是超詣

閨怨

聞道邊關樂事多，前庭蹋鞠後庭歌。
不知刁斗聲中月，曾照流黃錦上梭。

小伊州

頻年轉戰未封侯，還逐高陽酒伴游。

醉後祇今愁出塞，雙鬟又唱小伊州。

從軍行

蹋臂歸來六博場，城中白羽募征羌。
相逢試解吳鉤看，已是金河萬里霜。

臥子曰意能出新

轅文曰亦有江寧之風

甘泉歌

千尺通星井，幹樓玉盤天。酒夜來收。

白茅螭捧黃金印，五利明朝欲拜侯。

轅文曰敘事
中即寄諷意

正德宮詞

窄衫盤鳳稱身裁，玉靶雕弓月樣開。
紅粉別依回鶻隊，君王新自虎城來。

舒章曰氣
高於王建

燕京四時樂

薊門霜葉馬初肥，胡錦輕裝七寶圍。

日暮金丸彈不盡，紅塵一騎趁鷹歸。

臥子曰
俊快

別于鱗子與子相明卿

十年為客問吳山，錦纜安流此日還。
唯有故人歌一闋，行雲不度似陽關。

送顧子行員外謫判太平

樓船墨鼓大江流，別駕新開南豫州。
四郭春驕羅綺色，向來僊客不知愁。

聞子相歸不能待寄之

桐柏江頭春雁稀故人聞向日邊歸
扁舟欲繫遙相待萬戶清霜夜搗衣

轉文曰逸
處似太白

送表兄盧生南歸

大江南去水茫茫到日秋風為解裝
樓鳥漸閒人漸少不知何處是家鄉

轉文曰調入中
晚以絕句收之

飲歐陽鎮朔即事有贈

旌旗春偃白龍堆教客休停鸚鵡杯
歌舞未殘飛騎出月中生縛左賢來

臥子曰健
態生動

謝榛六見

塞上曲

暮雲黯澹壓邊樓雪滿黃河凍不流
野燒連山胡馬絕何人月下唱涼州

塞下曲

秋高沙漠斷鴻哀，大將旗翻風色來。
落日半天追虜騎，彎弓直過李陵臺。

韓文曰健兒故態

漠北詞

大漠蕭蕭黑水流，胡兒七月換羊裘。
駱駝背上吹蘆管，日暮長風動地秋。

其二

石頭敲火炙黃羊，胡女低歌勸酪漿。
醉殺羣胡不知夜，鷓鴣兒嶺下月如霜。

其三

曉用氈帳擁秋雲，虜將揮鞭部落分。
牧馬陰山莫南向，雁門今有李將軍。

臥子曰三作俱壯渾有色

徐中行 五見

寄贈侍御潘子良督學畿中

首

蹀躞花驄走北平，鬱蔥佳氣傍神京。
龍門復見三千士，虎旅曾監十二營。

吳國倫 七見

紫霄峯

紫氣峻增碧漢斜，好憑飛杖立烟霞。
臨風一夜吹長笛，落盡江南楊柳花。

舒章曰：臨風高，嘯固有情態。

飲飛雲洞

飛雲洞裏雲不飛，結作仙人九色衣。
我來醉著雲衣臥，巖下白龍行雨歸。

舒章曰：新詞迥出。

聞張助甫擢御史中丞開府寧

夏寄贈

青銅峽口古靈州，黑水河穿紫塞流。
一夜羌人吹笛過，千山明月總邊愁。

臥子曰
唐音

寄遠曲

章臺楊柳綠如雲，憶折南枝早贈君。
一夜東風人萬里，可憐飛絮已紛紛。

韓文曰餘
情繚繞

雨中寄王行甫

無錢沽酒日披書，雨後林亭畫不如。
往歲同君垂釣處，一池新種武昌魚。

臥子曰即禹錫玄
都之意而此更渾

北園餞別黃行甫，梅泰符醉成

落梅粘石錦成文，脩竹當軒翠拂雲。
痛飲不知淮是客，醉中攜手夢中分。

韓文曰情深于河
梁調流于大曆

宗臣六見

贈余德甫奉使兩浙

赤城霞起是天台，明月簫聲落早梅。

昔日胡麻君莫問，桃花不放石門飛。

臥子曰為俗吏解朝

夜月懷明卿

處處青楓急暮砧，萬山秋色怨瑶琴。
美人只隔湘江水，江上浮雲愁我心。

過采石懷李白

采石磯頭坐白雲，歸來瑤草亂紛紛。
夜深吹笛江亭上，明月窺人恐是君。

舒章曰風情幽邁

涇縣望桃花潭

桃花潭水近陵陽，潭上春風滿石梁。
流水不隨仙客去，秦人何必渡三湘。

轅文曰鮮逸

劉鳳五見

和夜上受降城聞笛

北斗低垂掛戍樓，黃河不逐月西流。

一聲長笛衝沙起散作邊城萬里愁

韓文曰起二句高勁結語雖在人意中亦是渾然

張佳胤 四見

玄玄洞

桃花全似武陵溪春鳥時從谷口啼
何處水聲吹不斷玉龍雙挂洞門西

韓文曰似奔州

宿太華山寺

石床橫架萬峯西海上雙珠入戶低
自是山中無玉漏朝霞還有碧鷄啼

舒章曰近體喜有不盡之意如夜珠來燕聚寒等句是也此詩最得之

送劉主簿陞趙府

遮道頻將車馬停渭城歌發柳青青
送君欲作巴山月千里相隨過洞庭

沈鍊 再見

送朱子南還

十年辛苦在京華，夢裡何時不見家。
一照若耶溪畔月，始知楊柳隔天涯。

轅文曰青霞殊有情致

舒章曰青霞輕快不沈

俞允文 再見

臥子曰仲蔚七言絕其調甚正

聞雞

月落空營舊壘低，寒風獵獵大荒西。
驚魂易斷江南夢，惱殺重城未曉啼。

塞上曲

蔥關雪淨月蕭蕭，大將功成玉帳高。
天馬不愁西極遠，上林新種紫蒲萄。

臥子曰詞近而意佳

其二

風高塞虜入龍堆，大羽瑠弓象月開。

一片黃雲秋磧裡，遙看精騎射鵬來。

搗衣

重關月色早涼分，夜夜砧聲逐塞雲。
淚盡天南與天北，胡笳同是月中聞。

許邦才

字殿卿，歷城人。嘉靖癸卯舉人，官至長史。轉文曰：于鱗亟稱殿卿其梁園集殊不稱絕句，差快意。

送高都護入賀

將軍白馬插彫弧，自傍屬車洩射烏。

陛下聖明三萬歲，微臣直至執金吾。

汴河守凍

客館寒燈淚滿襟，間關萬里欲歸心。
眼前一水冰霜苦，又說之以瘡痍深。

舒章曰：能以唐人之法，行目前意。

胡應麟 四見

路河舟中再別，惟寅裕卿汝修

絕句

一望巴陵楚嶠分，木蘭舟上雨紛紛。
中流無限瀟湘色，日落君山起暮雲。
塞上曲

紫電花驄白玉鞭，遠從都護出居延。
清秋不辨龍城色，一片黃雲瀚海前。

汪寬字子敬 祁門人

荆南別吳雙溪程洎溪入蜀

江上逢君又別君，驪歌一曲不堪聞。

半帆秋色懸巴月，三峽猿聲隔楚雲。

轅文曰峭鍊 亦是佳調

于慎行四見

漢宮少年行

錦帶珠袍綠臂鞬，相逢盡說富平侯。
南山夜獵春城晚，繫馬新豐舊酒樓。

陳鶴再見

池上陳老琵琶

夜深池上弄琵琶萬里銀河月上波
莫向尊前彈出塞只今邊將未還家

臥子曰即張喬
一曲涼州之意

吹笛懷友

玉笛橫吹入夜分中天華月度流雲
苔川兩岸春風起飛盡梅花不見君

韓文曰山人
亦見逸思

陸彥章

字伯達華亭人萬曆己丑
進士官至南京刑部侍郎

歸次盧龍

帝城東抱海山重迢遞單車出萬峰
秋色長風吹塞雁歸心落日下盧龍

張以誠

字君一青浦人萬曆辛丑
賜進士第一官至左庶子

贈蕭大將軍移鎮漁陽

鳴沙城北接雲中千里飛狐一道通
十萬健兒齊上馬旌旗獵獵動秋風

宋懋澄

三見

送叔父出塞

斜倚征帆對酒歌氣憑長鉞羽聲多
少年曾到黃羊谷白首重遊無定河

舒章曰壯烈可懷

許景樊 再見

塞上曲

前軍吹角出轅門雪撲紅旗凍不翻
雲暗磧西看候火夜深遊騎獵平原

李氏

朝鮮人趙瓊妾遭倭難不屈死

登樓

紅欄六曲壓銀河瑞霧霏霏溼翠羅
明月不知滄海暮九疑山下白雲多

臥子曰亦是溫李然其調頗合

同郡夏完淳存古氏較

明詩選卷之十三 終

首卷方八卷と追付出来

享保十八年癸丑仲夏穀旦

京堀川錦上町

皇都書林

西村一郎右衛門

江戸本町三丁目

東武書肆

西村源六藏版

--	--	--	--	--	--	--	--	--	--

皇都書林
西村一郎
東武書肆
西村源六



